



Халқ сўзи

Ўзбекистон —
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 1 август, № 156 (9051)

Жума

Сайтимизга ўтиш учун QR-кодни телефонингиз орқали сканер қилинг.



БАТАН УЧУН, МИЛЛАТ УЧУН, ХАЛҚ УЧУН!

ОЗИҚ-ОВҚАТ МАҲСУЛОТЛАРИ ЕТИШТИРИШДА ЗАМОНАВИЙ ТЕХНОЛОГИЯЛАР ИМКОНИАТЛАРИДАН ЯНАДА КЕНГ ФОЙДАЛАНИЛАДИ

Президент Шавкат Мирзиёев 31 июль куни қишлоқ хўжалигида космик маълумотлардан фойдаланиш ва рақамлаштириш чора-тадбирлари бўйича йиғилиш ўтказди.

Бу куни кеча бўлиб ўтган видеоселектор йиғилишининг мантиқий давоми. Мева-сабзавот ва озиқ-овқат маҳсулотларини кўпайтириш масаласи кўриб чиқилар экан, давлатимиз раҳбари ердан унумли фойдаланиш, самарадорлиқни ошириш йўллари кўрсатган эди.

Бунинг учун аниқ ҳисоб-китоб ва таҳлил жуда зарур. Президентимиз ташаббуси билан ташкил этилган “Ўзбеккосмос” агентлиги шундай имконият бермоқда. 2024 йил 14 октябрдаги Президент Фармонида мувофиқ иқтисодиёт тармоқларида аэрокосмик технологиялар жорий этилмоқда.

Жумладан, бу қишлоқ ва сув хўжалигидаги ҳақиқий ҳолатни, камчиликларни очик-ойдин кўрсатиб берапти. Икки йил мобайнида соҳада фойдаланилаётган 4 миллион гектардан зиёд ерлар космик мониторинг қилинди. Аниқланишича, ҳисоботларда кўрсатилган айрим майдонларда пахта экилмаган, баъзан эса захирадаги ёки эгаси номаълум ерларга экилган.

Шу боис давлат томонидан ажратилган имтиёзли кредитларнинг мақсадли ишлатилишини масофавий мониторинг қиладиган тизим йўлга қўйилиши белгиланди.

Иқлим ўзгариши ва сув тақчиллигидан келиб чиқиб, юртимизда кам сув талаб қиладиган янги навлар ва агротехнологияга ўтилмоқда. Лекин экинларни сугоришда сув сарфи меъёри ҳозирги ҳақиқатдаги талабга жавоб бермаслиги кўрсатиб ўтилди. Гидромулдул районлаштириш ёндашуви ҳам эскирган. Оқибатда каналлар охирида жойлашган 3 мингдан зиёд фермерларга сув етиб бормапти.

Қишлоқ ва сув хўжалиги тизимидаги илмий институтларни жалб қилган ҳолда сугориш меъёри ва гидромулдул районлаштириш тўлиқ янгилаш вазифаси қўйилди.

Фермерлар сарфлаётган сувнинг ҳалигача аниқ ҳисоби йўқлиги қайд этилиб, бунинг барча босқичларини рақамлаштириш, сувнинг контурма-контур ҳисобини юритиш зарурлиги таъкидланди.

Сув омборлари сизими ҳам лойиҳавий

қуввати бўйича ҳисобланиб келинар эди. Сўнгги икки йилда 60 та йирик сув омбори илк бор батиметрик таҳлилдан ўтказилди. Лойқа чўккани сабабли айримларининг сизими камайгани аниқланди.

Шу боис барча сув омборларига “ақлли” ҳисоблагичлар ўрнатиб, сув миқдорини онлайн кузатиш, улардаги лойқани камайитириш вазифалари кўрсатиб ўтилди.

— Ер билан сув қишлоқ хўжалигимиз тақдирини ҳал қилувчи масала, — деди Шавкат Мирзиёев.

Йиғилишда соҳани рақамлаштириш масаласига алоҳида эътибор қаратилди.

Ҳозир фермерлар ер, кредит, субсидия ва агрохизматлар бўйича 30 дан ортиқ платформалардан фойдаланяпти. Буни осонлаштириш учун улар бирлаштирилиб, “Рақамли қишлоқ хўжалиги” ягона интеграцион платформаси ишга туширилади.

Энди даласига нима экишни фермернинг ўзи ҳал қилади. Буни платформага ҳам унинг ўзи киритади. Натижада асосий, такрорий ва тўқсонбости экинлар миқдори олдиндан кўринади. Бу озиқ-овқат хавфсизлигини, нарх-наво барқарорлиги ва деҳқонларнинг даромадида жуда муҳим.

Бош вазир ўринбосари Ж. Қўчқоров бошчилигида озиқ-овқат хавфсизлигини таъминлаш бўйича комиссия тузилиши белгиланди. Етишмаётган маҳсулотни кўпайтириш учун имтиёзли кредит ва субсидия берилди.

Соҳада учувчисиз аппаратлардан фойдаланиш ҳам режалаштирилмоқда. Кузда 100 дан зиёд замонавий дронлар олиб келинади. Мутасаддиларга хусусий секторни жалб этиб, фермерларга дронлар ёрдамида хизматларни йўлга қўйиш бўйича кўрсатма берилди.

Сомонпяларни ёқишга чек қўйишнинг қонуний асосларини яратиш зарурлиги айтилди.

Космик тадқиқотларда қурилиш, қадстр, норуда конлари, ўрмон ва яйлов ерлари бўйича ҳам таҳлиллар борлиги таъкидланиб, вазирлар ва ҳокимларга уларни ўрганиб, режалар ишлаб чиқиш вазифаси қўйилди.

Ў.А.

Мамлакатимиз мустақиллигининг 34 йиллигига

ЭНГ ГУЛЛАГАН ЁШЛИК ЧОҒИМДА...



Инсон дунёга келганидан ҳаётининг охиригача бўлган давларнинг ҳар бири ўзига хослиги, рангбаранглиги ҳамда унга берадиган сабақлари, кўнглига соладиган туйғу ва орзулари билан катта аҳамиятга молик. Аммо умр фасллари ичида шундай бир мавсум борки, у ўзининг кўркемлиги, шиддат ва шижоатга бойлиги билан ажралиб туради. Бу — мухташам ва муаззам ёшлик! Бугунги таҳлика, фитналар урчиётган, турли

оқимлар авж олган замонда ёшлар масаласи ҳар қачонгидан ҳам муҳим бўлиб бораётгани бежиз эмас. Зеро, ёшлар — миллат келажаги, халқ ва эл-юртнинг суяган тоғи.

Мамлакатимизда навқирон авлод вакиллари чин маънодаги ёшликни ҳис қилиши, ўзлари истаганча билим олиши, ўқиб-ўрганиши, эмин-эркин яшashi ва истеъдодларини юзага чиқариши, бир сўз билан айтганда, бахтиёр ҳаёт кечирishi учун барча шароит муҳайё.

Эътиборингизга ҳавола этилаётган ушбу “Энг гуллаган ёшлик чоғимда...” саҳифасида ҳам айнан ёшликнинг беқиёс куч-қудрати, унутилмас хотиралари, ҳаяжону меҳр-муҳаббатга бой лаҳзалари ҳамда юртимизда навқирон авлод вакиллари яратилаётган имкониятлар борасида сўз боради.

6-саҳифага қаранг. ➡

ГЛОБАЛ ТИНЧЛИК ВА ҲАМКОРЛИК БОРАСИДА МУҲИМ ТАШАББУСЛАР

Олий Мажлис Сенати Раиси Танзила Норбоева бошчилигидаги Ўзбекистон делегацияси Женева шахрида бўлиб ўтаётган парламентлар раҳбарларининг 6-Бутунжаҳон конференциясида иштирок этди.

Халқаро анжуман

Анжуман доирасида замонавий глобал таҳдидлар, ижтимоий беқарорлик, қуролли моjarролар ва иқлим ўзгаришлари шароитида парламентлараро дипломатиянинг роли, халқаро ҳамкорликни кучайтириш, тинчликни таъминлаш, адолатли бошқарув тамойилларини илгари суриш ҳамда аҳоли фаровонлигини оширишда миллий парламентларнинг фаол иштирокини таъминлаш масалалари муҳокама этилди.

Конференцияда маъруза қилган Сенат Раиси Танзила Норбоева давлатимиз раҳбари томонидан олиб борилаётган демократик ислохотлар, парламент дипломатиясини ривожлантириш, шунингдек, минтақавий ва халқаро ҳамкорликни мустаҳкамлашга қаратилган саъй-ҳаракатлар ҳақида тўхталиб ўтди.

Тадбир меҳмонлари ва ташкилотчилар томонидан жорий йил апрель ойда Тошкент шахрида ўтказилган Парламентлараро Иттифоққа аъзо давлатлар 150-йилией ассамблеясининг натижалари юксак баҳоланди.

Жумладан, ассамблея якунида қабул қилинган Тошкент декларацияси ҳамда мо-

жароларни тинч йўл билан ҳал этиш ва барқарор тараққиётга ҳисса қўйиш масалаларига бағишланган икки муҳим резолюция глобал парламентлараро бирдамликнинг амалий ифодаси сифатида эътироф қилинди.

Конференция давомида делегациямиз томонидан бир қатор ташаббуслар илгари сурилди. Жумладан, моjarроларни сиёсий-дипломатик йўл билан ҳал этишда парламентлар ролини кучайтириш, халқаро ҳуқуқ нормалари ва БМТ Уставига асосланган тинчлик ташаббусларини кенг қўллаб-қувватлаш зарурлиги таъкидланди.

Ёшлар парламенти аъзоларини қўллаб-қувватлаш доирасида эса 2026 йилда Парламентлараро Иттифоқ билан ҳамкорликда Ёшлар парламенти аъзоларининг 12-глобал конференциясини ўтказиш ташаббуси илгари сурилди.

Шунингдек, 2025 йил сентябрь ойда Ўзбекистонда камбағалликни қисқартириш бўйича халқаро конференцияни ўтказиш режалаштирилаётгани, унга хорижий парламентлар, нодавлат ташкилотлар вакиллари ва экспертларни кенг жалб этиш кўзда тутилаётгани айтилди.

«Халқ сўзи».

Депутатлар — ҳудудларда

ЎРГАНИШЛАР АҲОЛИНИ ЎЙЛАНТИРАЁТГАН МАСАЛАЛАРГА ЕЧИМ БЎЛМОҚДА

Шу кунларда Олий Мажлис Қонунчилик палатаси депутатлари халқ билан яқиндан мулоқот қилиш, уларни ўйлантираётган масалаларга ечим топиш, амалга оширилаётган ислохотлар натижадорлигини ўрганиш мақсадида ҳудудларда бўлиб, сайловчилар билан қатор учрашувлар ўтказмоқда. Оқиб ва самимий мулоқотлар давомида халқ вакиллари аҳоли орасига чуқур кириб бориб, ижтимоий соҳа объектлари фаолиятини назорат-таҳлил тартибиди ўрганмоқда ва жойлардаги мавжуд муаммоларнинг ечимига ўз ҳиссасини қўшмоқда.

Ишончга асосланган мулоқот

Қонунчилик палатаси депутати Гулнора Абдувоҳидованинг Андижон вилояти Қўрғонтепа туманидаги ўрганишлари ҳам депутатлик институт ва сайловчилар ўртасидаги муносабатлар мустаҳкамлиги бораётганини аққол кўрсатди. Депутат дастлаб Қўрғонтепа туманидаги “Мурувват” ноғиронлиги бўлган болалар интернатуида бўлди.

Бу ерда 229 нафар тарбияланувчининг турмуши билан яқиндан танишиб, улар учун яратилган шароитларни, тиббий хизмат сифатини, озиқ-овқат маҳсулотларини таъминланганлик даражасини ҳамда ходимларнинг ўз вазифасига масъулиятини ўрганди.

Депутатнинг қайд этишича, бу ерда 312 нафар ходим ўз ишига масъулят билан ёндашмоқда. Ҳар

бир тарбияланувчига алоҳида эътибор кўрсатилиши муҳимлиги инobatга олинса, бу инсонларга фақат ташаккур айтиш керак. Муассасадаги тозалик ва ободонлаштириш ишлари ҳам кўнгилдагидек.

Шундан сўнг сайловчилар билан мулоқот бўлиб ўтди. Унда қонунчиликка қиритилаётган ўзгаришлар, инсон қадрини улғулаш, ҳар бир фуқарога тенг имкониятлар яратиш масалалари муҳокама қилинди.

Суҳбат давомида давлатимиз мустақиллигининг 34 йиллигини муносиб кутиб олиш ва ўз меҳнати билан юрт равнақига ҳисса қўйиш ҳар бир фуқаронинг бурчи экани таъкидланди.

Жамоатчилик вакиллари яратилаётган шарт-шароитларни ижобий баҳолаб, мамлакатимизда амалга оширилаётган ислохотлардан мамнун эканликлари билдирди.

➡ 2

ЖАМИЯТНИНГ ФАОЛ ИШТИРОКИ — ИСЛОҲОТЛАР МУВАФФАҚИЯТИ ГАРОВИ

Ҳар қандай жамият тараққиёт сари интилар экан, ислохотлар заруратга айланади. Ислохотлар — бу эскирган тизимларни янгилаш, жамиятнинг эҳтиёжларига мослаштириш ва келажакка йўл очиш демак. Бироқ олиб борилаётган ишларнинг муваффақияти кўпичинча уларнинг қанчалик тўғри ва самарали режалаштирилганига эмас, балки жамиятнинг бу жараёндаги иштирокига боғлиқ.

Муносабат

Ислохотлар жамиятнинг иштироки билан амалга оширилгандагина легитим ҳисобланади. Жамият ўз фикрларини билдириш, тақлифлар киритиш ва қарор қабул қилиш жараёнида иштирок этса, ушбу ислохотларни ўз манфаатларига мос деб би-

лади ва уларни қўллаб-қувватлайди. Аксинча, жамиятдан ажралган ҳолда юқоридан туриб амалга оширилган саъй-ҳаракатлар қаршиликка ва муваффақиятсизликка учраши мумкин.

Жамиятнинг иштироки ислохотлар жараёнининг шарт-шароитини таъминлайди. Жамоатчилик муҳокамалари,

экспертлар билан маслаҳатлашувлар ва оммавий ахборот воситалари орқали ёритиш жараёнининг барча босқичини очик қилади. Бу эса, ўз навбатида, қарор қабул қилувчиларни ҳисобдорликка ундайди ва коррупция хавфини камайтиради.

Аслида давлатимиз раҳбари Шавкат Мирзиёев томонидан амалга оширилаётган ислохотларнинг бош мақсади ҳам очиклиги ва натижадорликка эришиш, ҳар бир соҳада юз бераётган ўзгаришларда халқнинг бевосита иштирокини таъминлашдан иборат. ➡ 5

ШАМОЛНИ ИЗМИГА БЎЙСУНДИРАЁТГАНЛАР

ёхуд 20 МВт қувватга тенг Чорвоқ шамол электр станцияси лойиҳаси ҳақида

Тараққиёт манзиллари



Ҳозирги шиддатли замон иқтисодий тараққиёт йўлида барқарор энергетика тизимини шакллантиришни, йирик ҳажмдаги энергия сарфини кўзда тутати. Бу борада, дунё бўйлаб қайта тикланувчи энергия манбаларидан унумли ва самарали фойдаланиш тенденцияси ҳамон долзарб.



Мамлакатимизда ҳам энергетика тармоғининг ажралмас қисми ҳисобланган “яшил” энергетика, яъни қайта тикланувчи энергия манбалари ҳажмини оширишга кенг эътибор қаратил-

моқда. Масалан, гидроэнергетика соҳасини ривожлантириш барибарадида куёш ва шамол энергетикасини равнақ топтиришга ҳам устувор аҳамият берилмоқда. ➡ 4

ТАРИХИЙ ТАШРИФ ЧОҒИДА ЭРИШИЛГАН КЕЛИШУВЛАР

ЧОРВАЧИЛИК ТАРМОҒИ РИВОЖИДА ЯНГИ УФҚЛАР ОЧМОҚДА

Кейинги пайтда Ўзбекистон ҳамда Мўғулистон ўртасидаги сиёсий мулоқот фаоллашиб, мамлакатларимизнинг ўзаро алоқалари сифат жиҳатдан янги босқичга кўтарилди. Табиийки, бунда икки давлат раҳбарларининг охириги тўрт йил давомида мунтазамлик тус олган учрашувлари доирасида эришилган келишувлар муҳим аҳамият касб этяпти.

Дарҳақиқат, Ўзбекистон ҳам, Мўғулистон ҳам кенг қамровли ҳамкорликни ривожлантиришга бирдек интилмоқда. Таҳлилчилар таъбири билан айтганда, ҳақли равишда “Бешинчи Осиё йўлбаси” номини олган, Марказий Осиё минтақасида етакчи мавқега эга Ўзбекистон билан савдо-иқтисодий алоқаларнинг жадаллашуви,

айниқса, Мўғулистон учун янги имкониятлар эшигини очмоқда.

Бу ҳақда сўз юритилганда, 2019 — 2024 йилларда ўзаро товар айирбошлаш ҳажми 10,5 баравар ортиб, 1,9 млн. АҚШ долларида 20,4 млн. долларга етганини, бунда Ўзбекистон экспорти 1,5 млн. доллардан 15,1 млн. долларга, импорт эса 519 минг доллардан 5,3 млн. долларга кўпайганини мисол сифатида келтириш kifоя, назаримизда. Натижада ўтган йилнинг ўзида икки давлат ўртасидаги савдо-сотиқ ҳажми 46,8 фоиз, экспорт ва импорт эса 47 фоиз ўсди.

Қарор ва ижро



Ҳамкорликнинг стратегик босқичи

Ўзбекистон Республикаси Президенти Шавкат Мирзиёев жорий йилнинг 24-25 июнь кунлари давлат ташрифи билан Мўғулистонда бўлди. Ушбу тарихий ташриф ўтган йилнинг июнь ойида Мўғулистон Президенти Ух-наагийн Хурэлсухнинг Ўзбекистон-га ташрифи чоғида бошланган фаол сиёсий мулоқотнинг мантиқий давоми ўлароқ, икки давлат ўртасидаги муносабатларда томон-амон янги йўналишларни бошлаб берди.

Мазкур ташрифнинг “тарихий” дея аталишининг сабаблари бор, албатта. Чунки икки мамлакат ўртасидаги дипломатик муносабатлар ўрнатилганига ўттиз йилдан ортиқ вақт ўтиб, Ўзбекистон раҳбари Улан-Баторга илк давлат ташрифи билан борди. Натижалар эса томонлар кутганидек, ўта юқори ва самарали бўлди.

Икки кунлик ташрифда Ўзбекистон — Мўғулистон дўстлик ва кўп қиррали ҳамкорлик муносабатларини янада ривожлантиришнинг долзарб масалалари кўриб чиқилди. Улан-Батор шаҳрида бўлиб ўтган олий даражадаги музокаралар якунида икки давлат раҳбарлари Кенг қамровли шериклик муносабатларини ўрнатиш тўғрисидаги қўшма декларацияни имзолади. Шунингдек, Президентлар ҳузурда бир қатор ҳужжатлар, жумладан, Ўзбекистон Республикаси Қишлоқ хўжалиги вазирлиги ҳамда Мўғулистон Озиқ-овқат, қишлоқ хўжалиги ва енгил саноат вазирлиги ўртасида қишлоқ хўжалиги соҳасидаги алоқаларни кенгайтириш бўйича ҳамкорлик режаси имзоланди.

Эришилган келишувларни ўз вақтида ва сифатли амалга ошириш бўйича “Йўл харитаси”ни қабул қилиш юзасидан аҳд-лашилди. Бунинг самаралари ҳозирданок кўзга ташланмоқда. Мисол учун, Улан-Баторда Ўзбекистон маҳсулотлари шоурумига эга “Савдо уйи” очилди, саноат ва қишлоқ хўжалиги соҳаларида қатор қўшма лойиҳалар ишга туширилди. Чорвачилик, озиқ-овқат саноати каби иқтисодийётнинг муҳим соҳаларида яна кўплаб ташаббуслар илгари сурилмоқда.

Айтиш жоизки, давлатимиз раҳбарининг шу йил 17 июлдаги “Мўғулистонга олий даражадаги ташриф давомида қишлоқ хўжалиги ва озиқ-овқат соҳаларида эришилган келишувларни амалга ошириш чора-тадбирлари

тўғрисида”ги қарори томонлар учун тенг манфаатли бўлган ҳамкорлик алоқаларига янги суръат бағишлаётир.

100 минг бош насли кўй олиб келинади

Қишлоқ хўжалигида комплекс ҳамкорликни чуқурлаштириш, айнисик, чорвачилик йўналишида қўшма кластерлар ташкил этиш, гўшт-сут, жун ва чарм маҳсулотларини қайта ишлаш ҳамда ишлаб чиқариш бўйича кооперация лойиҳаларини амалга ошириш Ўзбекистон ва Мўғулистон ўртасидаги кўп қиррали муносабатларнинг муҳим йўналиши ҳисобланади. Хусусан, Қорақалпоғистон ва Наманганда чорвачилик агрокластерлари йўлга қўйилиши режалаштирилмоқда. Бу наслчилик ишларини яхшилаш баробарида, ички бозорни сифатли гўшт маҳсулотлари билан тўлдириш, улар нархи ошиб кетишининг олдини олишга хизмат қилиши билан алоҳида аҳамиятга эга.

Мўғулистон билан савдо-иқтисодий муносабатларда чорвачиликка жиддий эътибор қаратилаётгани бежиз эмас. Негаки, мазкур тармоқ мамлакат иқтисодийётининг драйвери саналади. Аҳолисининг 30 фоизга яқини чорвачилик соҳасида меҳнат қилиши, яппи ички маҳсулотининг 11 — 13 фоизи мазкур тармоқ улушига тўғри келиши бунинг яққол далилидир.

Статистика маълумотларига қараганда, бугунги кунда Мўғулистонда чорва моллари сони 57,6 млн. бошга етган бўлиб, шунинг тахминан 85 — 90 фоизини майда шохли моллар, яъни қўй-эчкилар ташкил этади. Қўйларнинг, асосан, “Баяд”, “Хангай”, “Дархад”, “Баянхонгор” зотлари, эчкининг эса “Кашемир”, “Гоби” ва “Ховд” зотлари парваришланади. Улар, асосан, саноатбоп майин жуни, тотли гўшти учун кўпайтирилади.

Президент қарорига мувофиқ, Ўзбекистонга 2025-2026 йиллар давомида 100 минг бош “Баяд” зотли қўйлар олиб келиниши белгиланган. Уларни маҳаллий шароитда наслчилик-селекция ишлари ёрдамида кўпайтириш орқали маҳсулдор қўйлар сонини 2029 йил якунига қадар 1 млн. бошга етказиш мақсад қилинган. Мазкур вазифа ижросини изчил таъминлаш учун Ветеринария ва чорвачиликни ривожлантириш қўмитасида махсус ишчи гуруҳи

“Президент қарорига мувофиқ, Ўзбекистонга 2025-2026 йиллар давомида 100 минг бош “Баяд” зотли қўйлар олиб келиниши белгиланган. Уларни маҳаллий шароитда наслчилик-селекция ишлари ёрдамида кўпайтириш орқали маҳсулдор қўйлар сонини 2029 йил якунига қадар 1 млн. бошга етказиш мақсад қилинган.”

тузилиб, Мўғулистондан келтири-лаётган майда шохли молларнинг умумий характериистикаси ва им-порт учун қўйиладиган талаблар ишлаб чиқилди. Унга кўра, им-порт жараёнида совуқ ҳамда иссиқ иқлимга мослашувчан, жун қопламаси қалин, ёши ўттиз ой-ликкача бўлган қўй ва эчкилар танланади. Подани тўлдирувчи ёш кўчкор ва тақаларнинг ҳам ёши ўттиз ойликкача бўлиши ло-зим. Чорвадор табдиркорларнинг ушбу тавсия ва талабларга қатъий риоя этилиши назорат қилиб борилади.

Ветеринария ва чорвачиликни ривожлантириш қўмитаси масъ-уларининг айтишича, бундан кўзланган мақсад, аввало, чор-вачиликда наслчиликни яхшилаш орқали гўшт етиштириш ҳажми-ни муттасил ошириш, қолавер-са, саноатбоп жун ва кашемир-ни қайта ишлаб, тайёр маҳсулот-лар ишлаб чиқаришни йўлга қўйишдир.

«Баяд» зотининг афзаллиги нимада?

Маълумотларга қараганда, дунёда олти юзга яқин қўй зот-лари мавжуд бўлиб, улар ораси-да мамлакатимиз иқлим шарои-тига мослари ҳам бисёр. Охириги беш йилда хорижий давлатлардан 792 минг бош ана шундай қўй-эчки олиб келинди. Бирок юрти-миз чорвадорлари Мўғулистоннинг шарқий ва марказий ҳудудларида яратилган “Баяд” зотиға катта қизиқиш билдирмоқда. Шу боис ўтган йилнинг ўзида республика-мизга 7 минг бош “Баяд” зотли қўй импорт қилинди.

Эътиборлиси, ушбу қўйларнинг барчаси Навоий вилоятидаги тад-биркорлар томонидан сотиб оли-ниди. Жумладан, 754 бош қўй Қонимех туманидаги “Усен ота” чорвачилик фермер хўжалигида парваришланмоқда.

— Шу пайтгача ўзимизнинг қоракўл қўй зотини кўпайтириб келаётган эдик, — дейди ушбу фермер хўжалиги раҳбари Аза-мат Кўчқорбеков. — Бизнинг чўл шароитига мос келадиган бундан бошқа зот бўлмаса керак, деган

ўйда эдик-да. Лекин “Баяд” зоти ҳам иссиққа, ҳам совуққа бирдек чидамли эканлиги билан чорва-дорлар ишончини оқлаяпти. Улар Навоий вилоятига жуда тез мос-лашиб кетди. Масалан, биз со-тиб олган қўйларнинг 119 боши совлиқ эди, улардан 100 фоиз кўзи олдик. Бу қўйлар ер танла-мас экан. Қишнинг қаҳратони, ёзининг жазирамасида ҳам касал-ланмади, шукрки, чиқим ҳам бўлгани йўқ. Шунинг учун энди “Баяд” зотини ҳам кўпайтиришга қарор қилдик.

Чорвачилик ва паррандачилик илмий-тадқиқот институтидан маълум қилишларича, Мўғулистондан олиб ке-линган қўйларни ма-ҳаллий жайдаги зот билан чаतिштириш орқали янги зот яратиш ишлари ал-лақачон бошлаб юборилди. Бунда қўйларнинг жун майинлигини сақлаб қолиш, гўшт чиқими-ни оширишга алоҳида эътибор қаратиляпти.

“Баяд” зотининг жуссаси ки-чик кўринса-да, гўшти тош боса-ди ва жуда ширин. Республика-мизнинг нафақат иссиқ, балки совуқ минтақаларига ҳам мосла-шиб кетади. Чунки дастлабки ўрга-нишларга қараганда, 40 даража-гача совуққа, 60 — 65 даражагача иссиққа улар бардош беради.

Чиндан ҳам, “Баяд” зотли қўйлар чўл иқлим шароитига мос-лашувчанлиги, ҳосилдорлиги паст яйловларда ҳам ишловчанли-ги юқорилиги билан ажралиб ту-ради. Кўчқорларнинг бўйи 78 — 80 см., совлиқларники 70 — 73 сантиметрни ташкил этиб, та-наси узун ва яхши ривожланган. Кўчқорларнинг тирик вазни 70 — 75 кг., совлиқларники 52 — 54 кг., 1,5 ёшли қўйларники 47 — 49 килога етади.

Ўзбекистонда яйловларнинг катта қисми — 16 миллион гек-тарга яқини чўл яйловлари экан-лигини инобатга оладиган бўлсак, Мўғулистондан келтири-лаётган қўй зотлари чўл минта-қаларида чорвачиликни ривож-лантириш учун айни муддаодир.

Чорвадорларга имтиёз

Навоий вилояти ветеринария ва чорвачиликни ривожлантириш бошқармаси бошлиги Ойбек Ни-зомовнинг айтишича, Мўғулистон қўй зотлари орасидан “Баяд” зоти тасодифан танлангани йўқ. Давлатимиз раҳбарининг ўтган йили Навоий вилоятига ташри-фи чоғида чорвачиликда самара-дорликни ошириш, чўл яйловла-ридан унумли фойдаланиш мақ-садида Мўғулистон билан ҳам-корлик қилиш, унинг илғор таж-рибаларини ўрганиш бўйича топ-шириқ берилган эди. Шундан ке-либ чиқиб, Ўзбекистон делегация-си ушбу давлатда бўлиб, чорва-чиликдаги тажриба ўрганилди. Юртимизда олимлари ва масъул-лар фикрлашиб, чўл ҳудудига мос “Баяд” зотини сотиб олиш бўйича тугал фикрга келишди.

— Хориждан янги қўй зотлари олиб келиниб кўпайтирилаётга-ни Президентимиз томонидан Навоий вилоятидаги мавжуд 9 млн. гектар яйловлардан уну-м-

ли фойдаланиш, чорвани 10 кар-ра кўпайтириш бўйича белгилаб берилган топшириқ ижроси сари ташланган муҳим қадам бўлди, — дейди Ойбек Низомов. — Бу жараёнда яйловларга озуқа экин-лари экиб, маҳсулдорлигини ошириш чора-тадбирлари ҳам кўриляпти. Натижада “Баяд” қўй зотини кўпайтиришга иштиёқ-манд чорвадорлар сафи тобора кенгаймоқда. Юртимизнинг тур-ли ҳудудларидан келган чўпон-лар навоийлик фермерлар таж-рибаси билан яқиндан танишгач, Мўғулистондан қўй сотиб олиш-га қатъий қарор қилишганини билдиришяпти.

Шу ўринда таъкидлаш керак-ки, Президент қарорига мувофиқ, чорвачилик билан шуғуullanувчи табдиркорлик субъектлари фео-лияти ҳар томонлама қўллаб-қувватланаётгани, хусусан, Мўғулистондан майда шохли молларни Ўзбекистонга импорт қилишда имтиёзлар пакети тақ-дим этилгани чорвадорларга кат-та кўмак бўлаётир.

Гап шундаки, импортга кела-диган майда шохли моллар тан-нархи ошиб кетишининг олдини олиш мақсадида 2025 йил 1 ав-густдан 2027 йил 31 декабрга қадар ҳаво транспортида таший харажатларининг 50 фоизи Дав-лат бюджети ҳисобидан қоплаб берилади. Қўшилган қиймат со-лиғини тўлаш муддатини фоиз-лар ҳисобланмаган ҳолда тўлов таъминотисиз кечиктириб тўлаш имконияти яратилади. Бундан ташқари, чорвачилик йўналиши-да жалб қилинган халқаро молия институтларининг кредит маблағ-ларини табдиркорлик субъектла-рига йиллик 10 фоиз ставкада беш йил муддатга 2 йиллик им-тиёзли давр билан ажратилиши белгиланган.

Бу ҳали ҳаммаси эмас. Вете-ринария ва чорвачиликни ривож-лантириш қўмитасига Қорақалпо-гистон Республикаси Вазирлар Кенгаши Раиси ва вилоят ҳоким-ларининг қафиллиги асосида бир ой муддатда қайтариш шарти би-лан Ветеринария хизмати ва чор-вачиликни ривожлантириш жа-ғармаси маблағлари ҳисобидан табдиркорлик субъектларига Мўғулистондан майда шохли молларни етказиб беришда мо-лиявий кўмак кўрсатиш ҳуқуқи берилади. Бу эса шартнома асо-сида майда шохли молларни олиб келишда маблағлар тақчил-лигининг олдини олишга ёрдам беради.

Шунингдек, Яйлов ерларидан самарали фойдаланишни ташкил этиш ва уларни муҳофаза қилиш, қоракўлчилик, тери ва жун сано-ати соҳаларини янада ривож-лантириш бўйича республика ко-миссиеси қарорига асосан Қора-қалпогистон Республикаси, Бухо-ро, Жиззах, Қашқадарё, Навоий, Самарқанд ва Сурхондарё вило-ятлари яйлов хўжаликлари балан-сидаги ерлар Мўғулистондан ка-мида 1 000 бош қўй импорт қил-ган табдиркорлик субъектларига тўғридан-тўғри ижарага берила-ди. Бунда наслчилик ва селек-ция ишларини ривожлантириш орқали маҳсулдор қўйлар бош сонини кўпайтириш ҳамда яйлов-ларда изен, терескен, қуйровук, камфоросма, чўғон, эркак ўт, оқ (қора) саксовул сингари озуқа-боп ўсимлик турларини экиш талаби қўйилади.

Чорвадорларга тақдим эти-лаётган ушбу имтиёзлар импорт қилинаётган майда шохли мол-ларни маҳаллий шароитга мос-лаштириш, уларни кўпайтириш бўйича амалий чораларнинг нати-жадорлигини оширади, албатта.

Бинобарин, Ўзбекистон ва Мўғулистон ўртасидаги ўзаро ишонч, тенглик ва муштарак ман-фаатга асосланган бугунги муно-сабатлар қишлоқ хўжалиги соҳа-сида ҳамкорлик алоқаларини мустаҳкамлаш, чорвачилик тар-моғида қўшма лойиҳаларни амал-га оширишда янги уфқларни очиб берди. Бу эса, ҳадемай, ўзининг юксак самараларини бериб, ички бозорни сифатли ва арзон маҳ-сулотлар билан тўлдириш, ўзаро товар айирбошлаш ҳажми кескин кўтарилишига хизмат қилади.

Саид РАҲМОН
(«Халқ сўзи»).



САМАРҚАНД ТОМОНЛАРДА

Ярим аср деганда уй-жойига эгалик ҳуқуқини қўлга киритди

Халқ депутатлари Самарқанд вилояти Кенгашининг навбатдаги ўн бешинчи сессияси бўлиб ўтди. Унда Ўзбекистон Республикасининг “Ўзбошимчилик билан эгаллаб олинган ер участкаларига ҳамда уларда қурилган бинолар ва иншоотларга бўлган ҳуқуқларни эътироф этиш тўғрисида”ги Қонунига мувофиқ, вилоятнинг бир қатор туман ва шаҳарларида истикомат қилувчи 220 нафар фуқаронинг мулк ҳуқуқи қонуний тартибда эътироф этилди.



Шу ўринда аниқ мисолларга тўхталсак, пастдар-ғомлик Қаландар Қораев 1965 йилда қурилган уй-жойига, оқдараёлик Нодира Жамолова эса 1959 йил-да тикланган ва истикомат қилиб келаётган уйига нис-батан расмий ҳуқуқ эгаси сифатида тан олинди.

— Яшаб турган хонадоннинг ҳужжати бўлмаса, турли масалаларда муаммоларга дуч келаверар экансан, — дейди Қ. Қораев. — Ўтган сафарги акцияда эътибор-сизлик қилганимиз учун эгалик ҳуқуқи ололмаган эдик. Бу гал кадастр идораси ходимлари ўзлари уйимизга келиб, еримизни ўлчади, уй-жойимизни ва ҳужжат-ларни кўрди. Тегишли идоралардан ҳам хулосалар олинди. Ниҳоят, бугун уйимизга эгалик ҳуқуқини қўлга киритдик.

Йирик лойиҳанинг илк қадами

Самарқандда чиқиндидан электр энергияси ишлаб чиқарувчи “SUS Environment Samarkand” заводининг қурилиши бошланди. ХХРнинг “Shanghai SUS Environment” компанияси билан ҳамкорликда амалга оширилаётган лойиҳа учун 150 млн. АҚШ доллари миқдориди тўғридан-тўғри инвестиция жалб қилинмоқда.



Лойиҳа доирасида Самарқанд шаҳрининг Сўлим кўрғон ҳудудидан 15 гектар майдон ажратилган бўлиб, кунига 1500 тонна чиқиндиди термик қайта ишлаш ва йилига 240 млн. кВт электр энергия ишлаб чиқариш қувватига эга завод қурилади.

Янги завод қурилиши бошланиши муносабати би-лан ўтказилган табдирда Самарқанд вилояти ҳокими вазиасини бажарувчи Адиз Бобоев иштирок этиб, ҳудудда чиқиндиларни қайта ишлаш, ундан энергия ишлаб чиқариш йўналишидаги мазкур лойиҳанинг энергия барқарорлигини таъминлашдаги аҳамияти кат-та эканини таъкидлади.

Корхонада 150 тагача янги иш ўрни яратилади.

Қайта тикланувчи энергия — ҳам иқтисод, ҳам даромад

Жорий йилнинг биринчи ярмида Самарқанд вилояти бўйича 3 мингга яқин объектларга қуёш панеллари ўрнатилгани “Яшил энергия” ахборот тизимида тасдиқланган ва бунда табдиркорлик субъектлари пешқадамлик қилмоқда.



Масалан, Ургут туманидаги “Sam Ferre” МЧЖ ҳуду-дига бугунги кунда 2 МВт қуёш панеллари ўрнатилган бўлиб, у тармоқда кучанишларнинг олдини олишга ва корхона атрофидаги истеъмолчиларни муқобил энергия манбаи билан таъминлашга хизмат қилмоқ-да. Ёки “Ургут” эркин иқтисодий зонасида фаолият олиб бораётган “Kamalak tekstil” корхонасининг том қисмига ҳам 350 кВт/с қувватли қуёш панеллари ўрна-тилди. Натижада табдиркор ўз эътиҳидан ортиққа электр энергияни давлатга сотмоқда.

Корхона томонидан 2024 йилда Германия ва Бель-гиянинг энг сўнгги русумдаги замонавий технология-лари асосида қиймати 309,3 млн. сўмлик сифатли гиламлар, тафтинг ва полипропилен ип маҳсулотлари ишлаб чиқарилган. Шунингдек, ўтган йили 5,6 млн. АҚШ долларилик гилам маҳсулотлари Марказий Осиё ва Европа давлатларига экспорт қилинган. Жорий йил-да ҳам натижалар бундан-да юқори бўлиши кутилмоқда.

Абдулазиз ЙЎЛДШЕВ
(«Халқ сўзи»).

Янги Ўзбекистонни бунёд этишнинг ҳозирги босқичи давлат ва ҳўжалик бошқарувининг барча бўғинида фаолият юритаётган раҳбар ва ходимларнинг салоҳиятини замон талаблари асосида сифат жиҳатдан янги даражага кўтариш билан бирга, уларнинг ўз лавозимларини эскича иш услубида эгаллаб банд қилишни эмас, балки зиммасига юклатилган вазифаларни янгича ёндашув асосида фидойилик ва омилкорлик билан амалга оширишни тақозо этмоқда.

Фармон ва ижро

Бугунги тезкор давр илгари сураётган давъатларни ҳисобга олган ҳолда, Президентимиз томонидан шу йил 14 июлда қабул қилинган “Давлат бошқаруви тизимида самарадорлик, проактивлик ва натижадорликни ошириш чора-тадбирлари тўғрисида”ги Фармонда ушбу йўналишда бажарилиши лозим бўлган тадбирлар тизими белгилаб берилди. Зеро, юқори самарадорлик ҳамда натижадорликка давлат ва ҳўжалик бошқарувининг барча бўғинида ўзаро ўзвий, айни пайтда мувофиқлашган фаолиятини таъминлаш орқали эришилади.

Сўнгги йилларда аграр соҳада амалга оширилаётган жадал ислохотлар тўғрйли қишлоқ ҳўжалигида маъмурий буйруқбозлик тизими-мига барҳам берилиб, илм-фанга таянган, инновациялар, илгор тажриба ва замонавий технологиялар ҳамда бозор меъёриларига асосланган бошқарув тамойиллари жорий қилинмоқда. Рақамлаштириш жараёнлари иқтисодиётнинг бошқа тармоқлари қатори қишлоқ ҳўжалиги соҳасида ҳам кенг қамровда олиб борилмоқда. “Ақли қишлоқ ҳўжалиги” атамаси соҳа ходимлари мулоқотига одатий иборалардан бирига айлангани бунинг аққол далилидир.

Таъкидлаш керакки, бундай ян-

гиланишлар соҳамиз олдига маҳаллий, минтақавий ва глобал микёсда кечаётган жараёнларни чуқур таҳлил этган ҳолда, яқин истиқболда кутилаётган ҳолатларни башорат қилибгина қолмай, балки келажақда юзага келадиган вазиятда озик-овқат хавфсизлигини таъминлаш бўйича креатив ечимлар топишга қодир бўлган кадрлар корпусини шакллантиришни тақозо этмоқда. Бу жараёнда ходимларнинг касбий компетентлигини мунтазам ошириш ўстувор вазифалардан бири сифатида илгари сурилмоқда.

Вазирлик ва унинг ҳузуридаги республика ижро этувчи ҳўкимият органлари, Қишлоқ ҳўжалигида билим ва инновациялар миллий маркази, шунингдек, тизимдаги 24 та илмий-тадқиқот ва 9 та олий таълим муассасаси салоҳиятига таянми-лан тарзда аграр соҳадаги инсон ресурсларини ривожлантириш йўлида тизимли фаолият олиб бори-лмоқда. Натижада бугунги кунда вазирлик марказий аппаратида фаолият юритаётган ходимларнинг 24 нафари (11 фоизи)ни илмий даражага эга, 41 нафари (19 фоизи)-ни соҳа учун долзарб мавзуларда мустақил тадқиқотлар олиб бораётган, 17 нафари (8 фоизи)ни ҳорижий олий таълим муассасалари битирувчилари, 29 нафари (14 фоизи)ни чет тилларни мукам-мал



ўзлаштирган ходимлар ташкил этади. Бу, ўз навбатида, илм-фан ютуқлари, инновациялар, илгор тажриба ва ресурстежамкор технологияларни мамлакатимизнинг ҳар бир минтақаси тупроқ-иқлим шароитига мослигига қараб, тезкорлик билан жорий қилишда амалий тақлифлар тайёрлашда қўл келяпти.

Кейинги йилларда тизимда ёш истеъодларни аниқлаш мақсадида талабалар ўртасида “Ёшлар ва инновацион қишлоқ ҳўжалиги”, докторантлар ва ёш тадқиқотчилар орасида “Агроинновация ва ёшлар”, бошқарув аппарати ёш ходимлари ўртасида эса “Истиқбол умидлари” танловлари мунтазам ўтказиб келинмоқда. Охириги икки йил давомида ушбу танловлар ғолиблари ҳамда амалга оширилаётган инвестиция ва грант лойиҳалари, ҳамкорлик дастурлари доирасида 500 га яқин ходимлар, тадқиқотчилар ва талабалар малака ошириш, тажриба орттириш ва ўқув амалиётларини ўташ учун чет давлатларда хизмат сафарида бўлди. Мазкур таширларда ўрганилган илгор тажрибаларни амалиётга жорий қилиш бўйича ҳуло-са ва тақлифлар умумлаштирилиб, оммалаштирилди.

Эътиборлики, вазирлик тизимидаги ходимларнинг касбий салоҳиятини ошириш маънавий-маъри-

фий ишлар, давлат тилини жорий қилиш билан ҳамоҳанглиқда олиб боришмоқда. Ҳолбуки, соҳада фаолият юритаётган ҳар бир ходим давлат фуқаролик хизматчиси сифатида ўз вазифасини бажариши учун зарур бўлган сиёсий, ҳуқуқий, иқтисодий, касбий ва маънавий билимлар қаторида ёзма ва оғзаки нутқ маданиятига ҳам эга бўлиши лозим.

Тизимдаги ходимларнинг жойлардаги ўқув машғулотларида фойдаланиши учун соҳа мутахассислари, хорижий экспертлар, олий таълим ва илмий-тадқиқот муассасалари илмий ходимлари ва профессор-ўқитувчилар жалб қилиниб, сиёсий, ҳуқуқий, иқтисодий, маънавий-маърифий, касбий мавзуларда 56 та, давлат тилида идо-рарвий иш юритиш асослари юза-сидан 20 та мавзу бўйича видео-дарслар тайёрланиб, қуйи орган-ларга юборилди. Бундан ташқари, қишлоқ ҳўжалиги атамаларининг ихлоқи лўғати, Ўзбекистон қишлоқ ҳўжалиги энциклопедиясининг 1-жилди чоп этилди.

2024 йилдан бошлаб вазирлик марказий аппаратида касбий маърифат соатлари ўтказилиши тизим-ли равишда йўлга қўйилгани эъти-борга молик. Бундай маърифий тадбирлар ўтган йили 52 та, жорий йилнинг 7 ойи давомида эса 29 та долзарб мавзу бўйича ўтка-зилди. Қолаверса, ўтган йили ва-зирлик тизимида “Маънавий-маъ-рифий ишлар тизимли йўлга қўйил-ган ташкилот” танлови ўтказилди. Унинг доирасида 767 та ташкилот фаолияти ўрганилиб, ҳар томонла-са баҳоланди. Яқуний натижалар-га қўра, рейтинг кўрсаткичлари юқори бўлган 20 та тизим ва ҳудуд-дий ташкилот Қишлоқ ҳўжалиги ва-зирлиги, Агросаноат мажмуи каса-

ба уюшмалари Республика кенга-ши, Республика Маънавият ва маъ-рифат марказининг қўшма дипло-ми, қимматбаҳо совғалар билан тақдирланди.


Ушбу йўналишдаги ишлар изчил давом эттирилиб, жорий йилнинг май-июнь ойлари давомида 707 та ташкилот фаолияти ўрганилди. Ба-ҳолаш ақунларига қараганда, улар-нинг 604 таси ёки 85,6 фоизида фаолият талаб даражасида ташкил этилганлиги, 103 таси ёки 14,4 фои-зида эса ишларни фаоллаштириш лозимлиги маълум бўлди. Пирова-рида қуйи бўғинларда раҳбарлар томонидан инсон ресурсларини ри-вожлантириш ва бошқариш, юри-дик хизмат ходимларининг касбий салоҳиятини ошириш ишларини ҳамкорликда ташкил этиш зарур, деган тўхтамга келинди.

Бинобарин, аграр тармоқда эришилаётган ютуқларда, айтиш жоизки, ислохотларнинг янги бос-қичи талаблари асосида соҳа хо-димлари салоҳиятини оширишга қаратилган маънавий-маърифий ишлар муҳим аҳамият касб этмоқда. Бунинг самараси ўлароқ, 2024 йил-да “Энг намунали вазирлик ва идо-ра” танловида вазирлигимиз фао-лияти эътироф этилиб, 1-ўринга сазовор бўлди ҳамда Ўзбекистон Республикаси Президентининг махсус соврини билан мукофот-ланди. Бундай юксак эътибор фаолиятимиз натижадорлигини оширишда катта рағбат бўлиши билан бирга, соҳани сифат жиҳат-дан ривожлантириш, бизнес муҳи-тини янада яхшилашда ташаббус кўрсатишга руҳлантирмоқда.

Эшмирза АБДУАЛИМОВ, Ўзбекистон Республикаси қишлоқ ҳўжалиги вазири маслаҳатчиси.

ШАМОЛНИ ИЗМИГА БЎЙСУНДИРАЁТГАНЛАР

ёҳуд 20 МВт қувватга тенг Чорвоқ шамол электр станцияси лойиҳаси ҳақида



Сўнгги йилларда, айниқса, шамол энергетикасини ривожлантириш борасида амалий ишлар бошланди.

Янги Ўзбекистон ҳар бир йўналишда илгор мамлакатлар тажрибасига асосланган ҳолда, ўзаро ҳамкорлик негизида маҳаллий кесимдаги ислохотларни изчил тадбиқ этиб бормоқда.

Бу борада Ўзбекистон Республикаси билан Хитой Халқ Республикаси ўртасида-ги давлатлараро муносабатлар стратегик шериклик, ўзаро ишонч ва узоқ йиллик дўстлик тамойиллари асоси-да изчил ривожланмоқда. Айни чоғда, давлатларимиз ўртасидаги дипломатик ало-қалар ўрнатилганига 33 йил тўлгани ўзаро ҳамкорлиги-мизнинг бундан кейин ҳам жадал ривожланишига замин бўлади. Асосийси, бундай кенг қамровли ҳамкорлик мамлакатларимизнинг мил-лий манфаатлари, ижтимоий-иқтисодий тараққиёти ва халқро нуфузини мустаҳкам-лашга хизмат қилмоқда.

Шу ўринда “Ўзбекидро-энерго” АЖ томонидан қайта тикланувчи энергетикани ривожлантириш йўналишида Хитойнинг нуфузли ташкилот-лари билан ҳамкорликда қатор инвестиция лойиҳалари муваффақиятли амалга оши-рилаётганини алоҳида таъкид-лаш жоиз. Хусусан, 2023 йил 17 октябрда Хитойнинг Шин-жон-Ўйғур автоном райони савдо департаменти кўмаги-да “Ўзбекидроэнерго” АЖ-нинг биринчи грант лойиҳа-ларни жалб қилиш доираси-да Ўзбекистонда шамол электр станциясини қуриш грант лойиҳасини амалга оши-риш бўйича ўзаро келишув меморандуми имзоланган.

Мазкур келишув асосида бугунги кунда Тошкент вило-ятининг Бўстонлиқ туманида “Чорвоқ шамол электр стан-циясини қуриш” лойиҳаси доирасида амалий ишлар бошлаб юборилган.

Хитой томонидан ажратил-ган тўғридан-тўғри бегараз кўмақ, грант маблағларининг қиймати 28,0 млн. АҚШ дол-ларини ташкил этади.

Лойиҳани амалга ошириш мuddати 2025-2026 йилларга режалаштирилган. Ушбу лойиҳа доирасида 20 МВт қувватга тенг шамол электр станцияси тикланади. Бунда йилгига ўртача 50 млн. кВт-соат электр энергияси ишлаб чиқарилади. Шу билан бир-

га, 30 та янги иш ўрни яратилади.

Хитойнинг Шинжон-Ўйғур автоном райони савдо департаменти томонидан лойиҳанинг қурилиш ишлари-ни олиб бориш учун ўтказил-ган тендерда “ТВЕА Co., Ltd” компанияси ғолиб бўлиб, бош пудратчи этиб танланган.

Ҳўш, шамолни жиловлаш ва ундан фойдаланиш нима беради?

Мазкур лойиҳа фойдала-нишга топширилгандан сўнг қарийб 20 минг хонадон электр энергия билан таъ-минланади. Бугунги кунда бош пудрат-чи томонидан Тошкент вило-яти ҳўкимининг тегишли қарори асосида ажратилган 10 гектарга тенг ер майдо-нида (Бурчмулла ҳудудида) қурилиш ишлари олиб бори-лмоқда ҳамда Хитойдан олиб келинаётган замонавий тех-нологик асбоб-ускуналарни босқичма-босқич монтаж қилиш ишлари давом этти-рилмоқда.


Ушбу шамол электр стан-цияси орқали ишлаб чиқарил-ган электр энергияси йилгига 811,1 минг метр куб табиий газ ёки 3,15 минг тонна кўмирни тежаш имконини бе-ради. Бу нафақат атроф-му-ҳит муҳофазаси, балки иқти-содий жиҳатдан ҳам самара-ли ечим ҳисобланади.

Маълумот учун айтиш жоиз, бирмунча вақт мазкур-дам “Ўзбекидроэнерго” АЖ томонидан мамлакатимизда шамол станцияси орқали электр энергия олиш бора-сида биринчи қадам қўйил-ган эди. Бу илк шамол электр технологияси Тошкент вило-ятининг Бўстонлиқ туманида 750 кВт энергия ишлаб чиқа-риш имкониятига эга бўлган қурилмоқда.

Қайд этиш лозимки, “Ўзбекидроэнерго” АЖ фао-лиятига 2017 йил 18 май са-насида асос солинган бўлса, шамол станциясининг ҳам ўша йилнинг ўзайдаёқ эксплу-атацияга топширилганлиги соҳадаги янги изланишлар ва машаққатли меҳнат натижа-сини ифодалайди.

Том маънода, экологик тоза энергия ишлаб чиқариш ҳажмини ошириш бўйича жо-рий шамол электр станция-сининг қурилиши ҳам шу сазй-ҳаракатларнинг узвий давоми бўлиб, ушбу йўна-лишни ривожлантиришда му-ҳим босқич ҳисобланади.

Раҳим ШЕРҚУЛОВ («Халқ сўзи»).



Асалари юз грамм нектар йиғиш учун тахминан бир миллионга гул-га кўнади. Тиниб-тинчимас жонивор бир килограмм асал тўплаш мақ-садида бир неча юз минг километр масофани босиб ўтар экан. Бу — Ер сайёрасини камида ўн марта айланиб чиқиш билан баробар.

Аччиқ, аммо очиқ гаплар

Эътибор беринг, буюқ олим Эйнш-тейннинг фикрига кўра, одам кислород-сиз бор-йўғи уч дақиқа, сувсиз эса уч кун, асалариларсиз эса тўрт йил яшай олади, ҳолос. Шу жиҳатдан олганда, му-тахассислар асалариларнинг ҳозирги микдори барча ўсимликларни чаңглатиш учун етарли эмаслигини айтишди. Дунё бўйича асалариларнинг қирилиб ке-таётгани глобал муаммога айланаётга-ни ҳақида Бирлашган Миллатлар Таш-килоти ҳам бежиз бонг ўраётгани йўқ.

Ўзбекистонда асаларичиликни рив-ожлантиришга катта эътибор қара-тиляпти. Бунинг самараси ўлароқ юр-тимизда етиштирилган асал ички ва ташқи бозорда ўз ўрнини эгалламоқ-да. Аммо тан олиш керак, Қашқада-р вилоятинда асаларичилик боши берк кўчага қириб бораётгани ҳам бор гап. Асал етиштиришда воҳода юзага ке-лаётган муаммолар ва баъзи камчи-ликларни соҳа мутахассислари билан ҳамкорликда ўрганиб чиқишга ҳаракат қилдик.

«Бир кунда асалариларимдан айрилдим»

Аввало, айтиш жоиз, Вазирлар Маҳ-камасининг 2023 йил 12 июндаги те-гишли қарори билан Ветеринария ва чорвачиликни ривожлантириш кўмита-сига қишлоқ ҳўжалиги экинларини асалари ёрдамида чаңглатиш бўйича қуйдаги вазифалар юклатилган:

- қишлоқ ҳўжалиги экинлари ҳосилдорлигини ошириш учун асала-ри ёрдамида чаңглатиш хизматини кўрсатишни ташкил этиш;
 - асаларичилик субъектлари, па-хатчиликка ихтисослаштирилган фермер ҳўжаликлари ва пахта-тўқимачилик кластерлари ўртасида тузиладиган шартномалар реестрини юритиш.
- Ушбу тартибга кўра, асаларичилик субъектлари қишлоқ ҳўжалиги экинла-ридан асал йиғиш билан бир қаторда, уларни чаңглатгани учун шартнома асо-сида хизмат ҳақи ҳам олиши мумкин. Аммо Қашқада-р вилояти мисолида оладиган бўлсак, бу тартиб амалда де-ярли ишалаётгани йўқ. Чунки маҳаллий фермерлар ва кластер корхоналари раҳбарлари экинни асалари ёрдамида чаңглатишнинг самаралари ҳақида етарли маълумотга эга эмас.

Асаларичилар ҳам шартнома асо-сида экинларни чаңглатиб, бу хизмати учун пул олиш ҳақида қайғураётгани йўқ. Шунчаки фермерлар уларга

қишлоқ ҳўжалиги экинлари, асосан, гўза гулидан асал йиғиш учун имкони-ят яратишса, далага кимёвий ишлов беришдан аввал уларни оғохлантириш-са бўлгани. Ҳозирги шароитда эса фермерлар бу ишни ҳеч қандай оғох-лантиришсиз, ўзбосиммчалик билан амалга оширмоқда. Натижада кўплаб асаларичилар бир кунда барча асала-рисидан айрилиб, додини кимга ай-тишни билмай қолишаётир.

Мисол учун, 2025 йилнинг июнь-июль ойларида фермернинг ўз дала-сига кучли кимёвий препаратларни қўллаши натижасида Қарши туманилик Дилшод Умаров 200 оила асаларисининг барчасини, шу туманлик Толиб Бобоназаров 105 оила асаларисининг 57 фоизини, Азамат Султонов 95 оила асаларисининг 53 фоизини йўқотган.

270 оила асаларисини Нишон тум-анидаги пахта далагарига олиб борган Алишер Холмуродов ҳамда Баҳодир Бойматов ҳам фермернинг оғохлантир-масдан ўз даласига кимёвий ишлов бериши оқибатида қарийб 70 фоиз асаларисидан айрилган.

Шунингдек, чироқчилик Файзулла Янгибоевнинг 170 оила, Элдор Абди-евнинг 80, қосонлик Отамурод Дўстму-родовнинг 100, Бобомурод Асплановнинг 30, миришкорлик Сардор Қўчаковнинг 135, Шуҳрат Янгибоевнинг 40, Маҳмуд Однамуродовнинг 36, Дилшод Однамуродовнинг 60, китоблик Ўлмас Ази-мовнинг 50, муборақлик Қаҳрамон Фуло-мовнинг 100 оила асаларилари ҳам худ-ди шундай сабаб билан бир кунда но-буд бўлган. Энг ачинарлиси, бу рақам-ларни яна давом эттириш мумкин.

— Бу соҳанинг меҳнатини шу иш билан машғул одам билади, — дейди асаларисидан айрилган тадбиркорлар. — Биз мавсум учун ҳаракатини эрта ба-ҳордан бошлаганимиз. Апрель-май ой-ларида асаларини тоғли ҳудудлар, адирликларда олиб юрамиз. Ёзга ке-либ у жойларда гуллар қолмайди. Но-илож пахта далагарига келишга маж-бур бўламиз. Шунча машаққат билан бу ерга келиб, бир кунда барча асаларимиздан айрилиш алам қилади-

Мақолани тайёрлаш асносида кўплаб асаларичилик субъектлари раҳ-барлари, оилавий тадбиркорлар билан ҳам суҳбатлашдик. Уларнинг ай-тишича, соҳада муаммолар кўп. Лекин экинларга кимёвий ишлов бери-лиши натижасида асалариларнинг оммавий қирилиб кетаётгани жуда ачинарли ҳол. Ҳўш, бу муаммога ечим топиладими?

Соҳага алоқадор мутасадди раҳбарлардан аниқ жавоб кутамиз.

Жаҳонгир БОЙМУРОДОВ («Халқ сўзи»).

Ташаббус

Бугунги кунда юртимизда маънавий-маърифий ишларда фаол иштирок этаётган муборак ҳаж амалини адо қилиб келган юртдошларимизнинг сазй-ҳаракатлари ҳар қандай инсонни қувонтиради. Улар, бир қарасангиз, ажралши ёқасига келган оилаларни яраштираётган, бошқа бир пайтда муҳтожларга ёрдам қўлини чўзаётган, шу билан бирга, йўлдан адашганларни маърифатга қорлаётган фидойиларга айланган. Бу эзгу ҳаракатлар Президентимиз ташаббуси билан ҳаётга кўчган “Инсон қадрини учун, инсон бахти учун” тамойилининг амалдаги ёрқин ифодасидир.

Янги Ўзбекистоннинг МАъНАВИЯТ ТАРғИБОТЧИЛАРИ

Ўтган йили ҳаж зиёрати иштирокчилари “Янги Ўзбекистон фидойиси бўлиб, маънавият тарғи-ботчисига айланамиз”, деган ташаббуси илгари сурган эди. Мана, бугунга келиб ушбу ташаббус асо-сида ярим миллиондан ортиқ кам таъминланган, боқувчисини йўқотган ва эҳтиёжманд оилаларга 6 млрд. 300 млн. сўмдан зиёд моддий ёрдам кўрсатилди. Шунингдек, аҳоли ўрта-сида қарийб 100 мингта маънавий-маърифий учра-шувлар ўтказилди, бу жараёнда турли миллат ва элат вакилларига ҳам алоҳида эътибор қаратилди.

2025 йилда ҳам 15 минг нафар юртдошимиз ҳаж амалини адо этиб, ана шу хайрли ишларни давом эттирмоқда. Бу йилги ҳаж мавсуми тарихий, маъна-вий ва ташкилий жиҳатдан муҳим воқеаларга бой бўлди. Ўзбекистонлик зиёратчилар учун яратилган қулай шарт-шароитлар — авиапарвозлар, шинам меҳ-монхоналар, малакали тиббиёт ходимлари ва юксак даражадаги ташкилий масалалар дунё мусулмонла-рининг эътирофи ва ҳавасига сазовор бўлди.

Эътиборга молик жиҳатлардан яна бири — давлатимиз раҳбарининг зиёратчилар билан бевосита телефон орқали мулоқот қилиб, уларнинг аҳволидан хабар олганидир. Бу ғамхўрлик зиёратчиларимиз қалбида чуқур таассурот қолдирди. Шу руҳда Арафот майдонида Ўзбекистон мусулмонлари идораси раиси, муфтий шайх Нуриддин Холиқманд бошчилигида “Янги Ўзбекистоннинг тинчлик ва маънавият тарғиботчилари бўламиз” деган эзгу қаҳриқ илгари сурилди.

Бугунги кунда ҳаж амалини адо қилиб қайтган юртдошларимиз бутун мамлакат бўйлаб маҳаллалар-да фаол тарғибот ишларини олиб бормоқда. Маса-лан, дастлабки тадбирлар давомида Наманганда 80 та, Тошкент шаҳрида 20 та хонадонда ногиронли-ги борлар, нотинч оилалар ва ижтимоий ҳимояга муҳ-тожлар ҳолидан хабар олинди. Айни пайтда, хайрия ишларининг кўлами изчил кенгайиб бормоқда.

Аниқ амалий ишларга тўхталадиган бўлсак, Фар-ғона шаҳрида истиқомат қилувчи уч нафар фарзанд-нинг онаси Нигора Жапарованинг ҳаёти шундай эзгу ташаббус натижасида яхши томонга ўзгарди. У ҳаж зиёратчилари кўмагида уч хонали шинам уйга эга бўлди.

Ёки Фарғонада ажрим ёқасига келган ёш оила яраштирилиб, уч нафар бола етим қолишининг олди олинди. Тинчлик ва маънавият тарғиботчилари то-монидан аниқланган ишсиз хотин-қизлар учун на-манганлик тадбиркор Фахриддин Тўраевнинг ишлаб чиқариш цехида иш ўринлари яратилди. Бу маҳал-лий тадбиркорлик ва маънавият уйғунлигидаги са-вобли ишларнинг самарасидир.

Бугунги мураккаб замонда яхшилик ва бағрикен-гликни тарғиб қилиш ҳар қанчондиган ҳам муҳим. Зеро, инсон яшайдиган муҳит унинг дунёқараши ва хатти-ҳаракатларига катта таъсир кўрсатади. Жамиятда эзгу ишлар қанчалик кўпайса, Ватанга садоқатли, олий-жаноб инсонлар сони шунчалик ортиб боради.

Шу мақсадда нурунийлар, ҳаж зиёратчилари ва маҳалладаги фаоллар “маҳалла еттилиги” билан ҳам-корликда маънавий-маърифий тадбирларга пухта тай-ёргарлик кўрмоқда. Хонадонлар кесимида аниқлан-ган эҳтиёжманд оилалар рўйхати асосида амалий ёрдам ишлари давом этмоқда.

Бошқа минтақаларда нотинчлик ва муҳтожлик ин-сонлар ҳаловатини бузган бир пайтда, юртимизда тинчлик ва фаровонлик ҳўкм сурмоқда. Бу неъмат-лар учун шуқроналик билдириш, уларни асраб-авай-лаш ҳам ҳар бир фуқароннинг бурчидир.

Ҳаж эътиридан қайтган юртдошларимиз фақат моддий ёрдам билан чекланиб қолмай, шуқроналик туйғусини, китобхонлик, илм-маърифатга меҳрни ҳам тарғиб қилмоқда. Зеро, ислом динида илм масала-сига алоҳида аҳамият берилади. Илк нозил бўлган оят “Ўқи!” деб бошланиш ҳам бунинг далилидир. Пайғамбаримиз Мухаммад алайҳиссалом: “Ким илм талаб қилса, Аллоҳ унга жаннат йўлини осонлашти-ради”, деганлар.

Улўғ саҳоба Али ибн Абу Толиб розияллоху анху: “Илм молдан яхшидир, чунки у сени муҳофаза қила-ди, молни эса сен қўриқлайсан. Илм ҳоким, мол эса маҳкумдир”, деган.

Қисқача айтганда, ҳаж амалини адо этган юрт-дошларимиз бугун чин маънода маънавият етакчи-ларига айланди. Улар халқимиз орасида тўй ва ма-росимларни камхарж, ихчам ўтказишга қақирмоқда, оилаларни яраштириш, ёшларни тарбиялаш, муҳтож-ларга кўмаклашишда фаол иштирок этмоқда. Зеро, улўғларимиз айтганидек, яхшиликнинг мукофоти фа-қат яхшиликдир.

Зайниддин ЭШОНҚУЛОВ, Ўзбекистон мусулмонлари идораси раиси ўринбосари, «Ҳўж — 2025» делегацияси аъзоси.

Қозоғистонда бўлиб ўтган III халқаро «Almaty Circus» фестивалида ўзбекистонлик цирк артистлари ҳам қатнашди.

Сизлар — Янги Ўзбекистон бунёдкорлари сифатида янги тарих яратадиган олтин авлодсиз!

Шавкат МИРЗИЁЕВ,
Ўзбекистон Республикаси Президенти



Матонат

ОНАМНИНГ САБОТИ — ЗАФАРЛАРИМ САБАБЧИСИ

Одамнинг ҳаётида синов ва қувонч бир пайтда келадиган ҳаяжонли дамлар камдан-кам бўлади. Ҳаётимдаги шундай воқеа бир неча ойлар аввал "Ёш китобхон" танловига бўлди.

Ўшанда мен ҳали нималар бўлаётганини тўла англамай, голибликдан масрур, тез орада совға қилиниши керак бўлган автомобиль олдида интервью бераётгандим. Бирдан шундай қувончли кунда ёнимда бирорта яқиним йўқлиги ҳаёлимдан ярқ этиб ўтди. Юрагимда оғриқ пайдо бўлди.

Ўшанда битта эмас, уч фарзандини отасиз оқ ювиб-оқ тараган, ўқитган, умуман олганда, яхши ҳаёт кечирishi учун жонини ҳам аямаган онам вилоятда, оёғи сингани учун келолмаганида. Голиблик нашидаси бир четда қолиб, кўнглимни баттар зулмат чулғади. Онам билан телефон орқали гаплашар эканман, кўзимдаги ёш тўхтамас, баттар ичкардим, камига тилим ҳам айланмасди.

Тасаввур қилишнинг ўзи оғир... Онам бизни ёлғиз ўзи тарбиялади, бошқалардан кам бўлмай яшашимиз учун тиришди, тинмади. Мен эса ҳаммиса онамга бўйлиқларим учун қандай жавоб қайтариш, уни қандай хурсанд қилиш ҳақида ўйлардим.

Мактабда ўқиб юрган кезларим телевизор орқали "Ёш китобхон" танловини кўрдим, шунда қалбимда кун келиб, албатта, шу танловда қатнашман, машина ютиб, онамга туҳфа этакдан деган истак пайдо бўлди. Бедор ўтган кечалар, тинимсиз ҳаракат ва ўқиб мени зафар чўққисига олиб чиқди. Бунда эса онамининг матонати ва тарбиясининг алоҳида қадри бор.

Бугун юртимизнинг китобхон, истеъдодли, ишончли ёшлари сафидан ва албатта, қатордан орта қолмаслик учун бор кучим, иштиёқ ҳамда меҳнатим билан ҳаракат қиламан.

Мафтуна ОЧИЛОВА,
Урганч шаҳридаги «Нурли ҳаёт» МФЙ ёшлар етакчиси,
«Келажақ бунёдкори» медалли соҳиби.

ЮКСАК ИШОНЧГА МУНОСИБЛИК ҲИССИ

Кечагина талабалик остонасидан катта ҳаётга қадам қўйган, таъбир жоиз бўлса, ижоду иштиёқ осмонидан парвоз этишга шайланган куш сингари эдим. Бугун эса қанотларим само узра кенг ёйилган, юрагимда орзулар янада жўш урмоқда, манзилим эса — нурафшон истиқбол!

Иштиёқ

Астойдил қилинган меҳнатлар, чекилган заҳматлар кун келиб самара беради, албатта. Мен ўтган йили Ўзбекистон давлат санъат ва маданият институти Нукус филиалида драматургия йўналишини тамомладим. Талабалик чоғи қалбимда ниш отган ният ва мақсадлар мени Бердақ

номидаги Қорақалпоқ давлат академик музыкали театри сари етаклади. Ҳозиргача бу масканда ишлаш баробарида бадиий ижод билан шуғулланиб, устоз ва тенгдошларимдан сабоқлар олиб, фаолият кўрсатиб келмоқдам.

Меҳнатларим зое кетмади. Бундан икки йил бурун Москвада ўтказилган халқаро ижодкорлар танловига қатнашиб 1-ўринни

эгалладим. Танловга тақдим қилган "Бир хумча олтин" номида асарим ҳакамлар ва кўлаб устозлар томонидан эътироф этилди, бу эса менга янада ғайрат бағишлади.

Ёшликнинг ажойиб дамлари бир-биридан гўзал хотиралар, муваффақиятлар, омадли лаҳзалар билан бойиб бораётганини ўйласам, юрагим оряқиб кетади. Бойси ёшлиги бесамар ўтмаган киши келажақда улкан ютуқларга

эришиши ҳақида жуда кўп эшитганман.

Яқиндагина кўксимга тақилган юксак мукофот ҳам шу юрт, шу элнинг умиди эканимга ишончнома деб биламан. Ушбу рағбат ва у берган масъулият, давлатимиз раҳбари қўлидан мукофот олишим юксак марраларни забт этишга даъват қилади. Бугун юрагимда ўзгача туйғулар, орзулар сурुरи яшамоқда, чунки мен бетакрор юртимнинг бахтиёр ёшлариданман.

Ислам ЭШНИЯЗОВ,
Бердақ номидаги Қорақалпоқ давлат академик музыкали театри сарҳна устаси, «Мард ўғлон» давлат мукофоти соҳиби.

ТАҚДИР ЭРКАЛАТГАН НАБИРАЛАРИМДАН АЙЛАНАЙ

Болалигим уруш қийинчиликлари, муҳтожликлари даврида кечди. Менинг тенг-тўшларим Ўзбекистоннинг қайси нуқтасида умргузаронлик қилаётган бўлишидан қатъи назар, сўзларимни тасдиқлайди. Чунки бизнинг тақдиримиз бир, кечмишимиз ягона.

Шукрона

Бизнинг болалигимиз, ўқувчилик йилларимиз пахтазору эгатларга сочилиб кетган. Сентябрь бошида одатдагидек янги ўқув йили кўнжироғи чалинар ва далага отланардик. Ўқувчи қўлига китоб-дафтар эмас, этак ҳамда қоп тутқазилар, ачинарлиси, бу одадий ҳолга айланган, ҳеч ким бунга эътироз билдирмасди. Тонг отиши ва кун ботиши табиий бўлганидек ҳали суяғи қотмаган навқирон ўсмирларнинг ҳам пахта териши одат тусига кирган эди. Биз шунга мажбур эдик, масъул эдик, мажбур эдик.

Таълим муассасаларидаги тадбирларда, уч авлод учрашувларида иштирок этганимда, гарчанд оғир ва азобли бўлмасин, болалигимни, ўтган кунларни эслайман, невараларим, эвараларимга ҳам айтиб беришга ҳаракат қиламан. Тақдир эр

калатган болаларимизнинг бугунги кунини кўриб ҳавас қиламан, истиқболини ўйлаб яна яшагим келади. Ахир бу кунларнинг қадри, қиймати бошқача.

Давраларда сўз кетса, кўнглим болалик ёшлик йиллари тўғрисида "Энг гуллаган ёшлик чоғимда..." дея гап бошлайди. Бундай ўйлаб қарасам, ҳаётимнинг энг гуллаган чоғи биз кечириб турган айна кунларга тўғри келаркан. Ниятим — умримизнинг ушбу энг фарахбахш кунлари фарзандларимизнинг қувноқ кулгиси ва тўқис бахтидан гуллаб-яшнайверсин!

Жўра АҲМЕДҚУЛОВ,
«Нуроний» жамғормаси Нурафшон шаҳар бўлинимаси раҳбари,
халқ депутатлари Нурафшон шаҳар Кенгаши депутати.

ШУКРОНА АЙТАМАН УЙҒОНИБ ҲАР ТОНГ...

Ифтихор



Эй, Ватан!
Шукрона айтаман уйғониб ҳар тонг,
Кундан-кун гуркураб яшанганимга.
Етти иқлим узра доврқ таратиб,
Мағрур-мағрур қадам ташлаганимга.

Эй, Ватан!
Истиқлол бахш этган неъматларингни,
Қўлимда қаламим, қўйламан ҳўшиб.

Ҳаётини ақли сени олқийлаётир,
Илдамлаб борарсан довлонлар олиб.

Эй, Ватан!
Олам лолдир бугун кўриб қудратинг,
Келажагинг шакисиз буоқдир, илло.
Зарра тупрогинг ҳам тавофқ этакдан,
Жаннатмонанд ўлкам, сенга жон фидо!

Шербек ИСЛОМОВ
Ургут тумани

Ҳикматлар

Йигитликда йиғ
илмининг маҳзани,
Қариллик чоғи
сарф қилғил ани.
Алишер Навоий

Ёшмисан, кексани
сен ҳурмат айла,
Узинг ҳам
қарийсан,
ҳозирдан ўйла.
Фаридуддин
Аттор

Ёшлик гўзаллиқни
кўра олгани учун
ҳам бахтиёрдир.
Гўзаллиқни
кўра олиш
қобилиятини
йўқотмаган киши
эса ҳеч қачон
кексамайди.
Франц Кафка

Барҳаёт сатрлар

Эркин ВОҲИДОВ,
Ўзбекистон Қаҳрамони, халқ шоири

ЁШЛИК

Ёшлик! Сени қўйламаган ким,
Эртақларинг сўйламаган ким,
Қариганда ўйламаган ким,
Ўйлаб яна қўйламаган ким?
Битмоқ бўлдим мен ҳам сенга байт,
Ёш юракнинг ҳаққи борми, айт?

Ёшлик, асли менинг ўзимсан,
Кенг оламга боққан кўзимсан,
Ёзган шеърим, айтган сўзимсан,
Кечам, эртал, ушбу рўзимсан.
Битмоқ бўлдим сен учун ашбор,
Аммо ўзни қўйламоқ душвор.

Ёшлик — гулу гулгунча экан,
Бу гул олам тургунча экан,
Ёшлик — беҳад тушунча экан,
Поёни йўқ гардунча экан.
Битмоқ бўлдим мен унга дoston,
Ўйларимга топмадим поён.

Ёшлик, дилдан шавқ кетгани йўқ,
Юрак сени тарк этгани йўқ,
Юрак сени тарк этгани йўқ,
Демак, қадрингга етгани йўқ.
Ёшлик, сени қўйлаб билурман,
Аммо бугун ёшлик қилурман.

Ёшлик — ишқу ошиқлик майли,
Ўзи Мажнун, ҳам ўзи Лайли,
Субҳи олам унинг тўғайли.
Майли, унга битмасам, майли,
На бир ғазал, на бир мусаддас,
Унинг ўзи шеърдан муқаддас.

ОРЗУЛАРИМ САРИ ДАДИЛ ОДИМЛАЯМАН

Ҳаёт-да, айрим тенгдошларим янги русумдаги қимматбаҳо автомобилларга орзуманд. Менинг ниятим эса уларникидан тамомила фарқланади — болалиқдан отам Олимжон Мирзаевга тегишли тракторни бошқаришни орзу қилардим. Асосийси, отам ҳам менга "Қўй, қизим, трактор ҳайдаш ўғил болаларнинг иши, сен уйга бориб, онангга қараш", демади. Орзуларим ушалиши учун ёнида юриб иш ўрганишимга рухсат берди.

Садоқат

Мен деҳқон оиласида туғилдим. Қўлаб дўсту танишларим қисмат излаганча қишлоқнинг чангу ғуборидан қочиб, шаҳарга йўл олишди. Тақдир эса мени бошқа томонга етаклади ва бундан сира афсусланмайдим.

Отамнинг умри қисқа экан, юрак хуружидан вафот этганида яқинларимиз фермер ҳўжалигини бошқариш осон эмаслигини айтиб, уни топириш керак дея маслаҳат беришди. Аммо онам отамнинг ишини давом эттиришга қарор қилди ва фермерлиқни ўз зиммасига олди. Менинг кечимга эса ўзим ҳадисини олган тракторни ҳайдаш ва онамга дала ишларида ёрдамчи бўлиш тушди...

Фермер ҳўжалигимизнинг жами 14 гектар ери бор. Ҳар йили галла ва пахтадан мўл ҳосил олиб, белгиланган режаларни ортиғи билан бажариб келямиз. Ҳозир айна гўза парвариши пайти. Насиб этса, бу йил ҳам ҳосил мўл бўлади, дея умид қиламиз. Бугун нафақат трактор, балки комбайнни ҳам бошқара оламан. Ўтган йил "Claus Dominator" галла ўрим комбайни билан етиштирилган мўл ҳосилни йиғиштириб олишда фаол қатнашдим.

"Интилганга толе ёр" дейишганидек, бугун қўзлаган орзуларим сари дадил одимлаяман. Келажақда олийгоҳда ўқишни давом эттириб, техника сирлари, деҳқончилик илмини мукаммал ўрганишни мақсад қилганман.

Зиёда ЖўРАБОВЕВА,
Гулистон туманидаги «Озодбек туҳфаси» фермер ҳўжалиги механизатори, «Келажақ бунёдкори» медалли соҳиби.

Саҳифа материалларини Раҳматжон БОБОЖОНОВ ва Отабек ИСРОИЛОВ («Халқ сўзи») уюштирди.

Ўзбекистондаги Ислон цивилизацияси маркази томонидан 114 та Қуръони карим нусхаси асосида китоб-альбом тайёрланмоқда.

Халқ сўзи Народное слово

МУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 842. 10 592 нусхада босилди, ҳажми — 3 табоқ. Офсет усулида босилган. Қоғоз бичими А—2. Баҳоси келишилган нархда.

Телефонлар:
Девонхона 71-259-74-51; котибият 71-259-74-53;
эълонлар 71-259-74-87.



Таҳририятга келган қўлашмалар тақриз қилинмайди ва муаллифга қайтарилмайди.
Газетанинг сўзасиб берилиши учун обунани расмийлаштирган ташкилот жаовбар.
Газета таҳририят компьютер марказида терилди ҳамда оператор М. Бегмуртов томонидан саҳифаланди.
Газетанинг полиграфик жиҳатдан сифатли чоп этилишига "Шарқ" нарийёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ:
100066,
Тошкент шаҳри,
Ислон Каримов кўчаси, 55-уй.
Набатчи муҳаррир — Н. Остонов.
Мусахҳиҳ — Ш. Машраббоев.

"Шарқ" нарийёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА яқуни — 21.10 Топпирилди — 01.30 1 2 3 4 5 6